

Résumé KHUTBAH JUMMAH

PAR LAJNA IMA'ILLAH ILE MAURICE

Pour tous commentaires ek suggestions, envoye nous ène email à l'adresse
ishaatlajnamu@gmail.com


SOMMAIRE

Offrez ce que
vous aimer! 02

Valeureux
compagnons de
Badr 03

Neuf glorieux
martyrs de
l'Ahmadiyya 04

Treize
compagnons de
Badr 05



Huzur (aba) dire ki vrai sacrifice financier c'est pas ki ou dépense de ceki ou pas ti pé servi mais ki ou dépense dépi sa du biens ki ou plis content la et ou faire li par amour envers l'humanité. Le Messie Promis (as) finne expliquer ki dépenser et faire sacrifice du bien dans le chemin d'Allah, li ene signe d'ene dimoune so droiture.

Waqf-e-Jadid c'est ene scheme ki finne institué par le second Khalifa, Hazrat Mirza Bashiruddin Mahmud Ahmad (ra) en 1957 avec l'intention initial pou propage l'Islam dans banne l'endroit retiré du Pakistan. Li finne donne instruction ki l'argent ki collecter dépi banne pays riches sous sa scheme la servi pou banne pays en voie de développement kuma banne pays l'Afrique. Banne institution zot prend majorité du biens, et lerla banne dimoune zot perdi majorité de zot investissement, et samem nous finne trouver recemment kuma dimoune finne perdi des milliards dans bitcoin et banne cryptomonnaies. Huzur (aba) dire ki de toute façon, li considere cryptomonnaie kuma ene forme de jeux du hasard.

Huzur (aba) dire ki ene madame dépi l'Ile Maurice finne dire ki li finne recevoir ene montant dépi so banne parent kuma cadeau. Li ti garde sa dans deux l'enveloppe ki ti contenir sakene rs 500 et li ti ena l'intention pou offert sa kuma sacrifice financier. Entretemps, li finne tombe malade et banne famille finne vinne guette li. Zot finne amene deux l'enveloppe ki ti contenir Rs 5000 sakene et donc sa ti 10 fois plis ki sa montant ki li ti ena l'intention donner la. Par la Grâce d'Allah, la 65eme année de Waqf-e-Jadid finne terminé le 31 Décembre. La Jama'at finne présente plis ki 12.2 million livres sterling kuma sacrifice et sa représente ene augmentation de 928,000 livres sterlings comparé a l'année dernier, malgré situation économique difficile ki pé régner dans le monde.

Huzur (aba) fine presente imper récits de la vie de Hazrat Abdullah bin Jahsh (ra). Li ti dépi tribu Banu Asad. Ene fois, ti mette li kuma leader d'ene expedition et le Saint Prophete (saw) ti dire ki li ene dimoune ki ena patience, détermination et courage. Rapporté ki Abdullah Bin Jahsh (ra) ti le premier pou saryer drapeau de l'Islam, et premier fois ki l'Islam finne gagne banne butins de guerre c'est durant sa expedition ki li finne diriger la.

Prochain Compagnon ki Huzur (aba) finne mentionner c'est Hazrat Salih Shukran (ra). D'apres certain récits, rapporté ki le Saint Prophete (saw) ti recevoir li en tant ki héritage dépi so papa. Par la suite, apres bataille Badr, Nabi Kareem (saw) finne libere li. Apres déces du Saint Prophete (saw), Hazrat Salih (ra) finne gagne l'honneur pou etre parmi banne ki finne donne Ghusl a le corps béni du Saint Prophete (saw).

Huzur (aba) finne dire ki prochain Compagnon ki li pou mentionner c'est Hazrat Malin bin Dakhshum (ra). Pendant Bataille Uhud, kan fausse rumeur du décès du Saint Prophete (saw) ti fanner, Hazrat Malik bin Dakhshum (ra) finne passe a coté banne Compagnons ki ti bléssé et li finne demande zot si zot finne tend a propos shahaadat de Nabi Kareem (saw). Zot finne reponne ki meme si sa rumeur la vrai, Allah li toujours vivant et li bizin continuer combattre. Huzur (aba) fine aussi mentionne a propos Hazrat Ukashah bin Mihsan (ra), Hazrat Ziyad bin Labid, Hazrat Khalid bin Bukair (ra) et Hazrat Ammar bin Yasir (ra).

En dernier, Huzur (aba) finne dire ki ena ene nouvelle tres triste dépi Burkina Faso, kot 9 Ahmadi finne etre tué et finne tombe en martyr deux jours de cela. Finne mette zot la foi a l'épreuve mais zot finne reste ferme. Ki Allah Protége tous banne Ahmadi dépi sa banne dimoune la.

Huzur (aba) dire ki c'est ça ki Allah dire a propos banne ki sacrifier zot la vie pou So cause. Pou plus ki ene siecle, banne Ahmadi finne sacrifier zot la vie pou la cause d'Allah. Sa banne Shahaadat la finne kumens avec Hazrat Sahibzada Abdul Latif Shaheed (ra). Plus récemment, l'amour, la foi ferme et détermination ki banne Ahmadi finne montrer au Burkina Faso li étonnant et zotte l'exemple li extraordinaire.

Huzur (aba) dire ki le 11 Janvier, dans Jama'at de Mahdi Abad, dans Burkina Faso, 9 ahmadi finne tombe en martyr. Banne terroriste la fine tuer Imaam Alhaj Boureima Bidiga et ainsi limeme ki ti premier martyr. Lerla banne terroriste la finne alle vers banne lezot ene par ene et zot tous finne montrer pli haute stage de patience et détermination. Et finne réussi faire l'enterrement de banne martyr le 12 Janvier so matin.

Huzur (aba) finne ensuite dire ki li pou donne banne details lor chaque martyr. Al Hajj Boureima (Ibrahim) Bidiga, ki finne mentionner pli la haut, ti ena 68 ans au moment de so Shahaadat et li finne prend Bai'at en 1999. Avant ki li accepter Jama'at, Imam Ibrahim ti chef Imam de plusieurs banne villages. Imam Ibrahim ti ene soldat extrêmement courageux de la Jama'at. Li pas ti ena aukene tracas pou banne dépenses ki li ti pé bizin faire a titre personnel pou organise banne programmes du Jama'at. Parmi bannes martyr ti ena AG Maniel Alhassane , AG Hamidou Abdouramane, AG Ibbrahim Souley, AG Soudeye Ousmane, AG Maguel Agali, AG Idrahi Moussa, AG Adramane Agouma. Huzur (aba) finne faire duah ki Allah continuer eleve statut de sa banne martyrs la et ki zot Shahaadat li porte so banne fruits et ki sa vinne ene moyen pou ki le message du Saint Prophete (saw) li répanne bien vite a travers le monde.

Huzur (aba) dire ki premier Compagnon ki li pou mentionner c'est Hazrat Abu Lubabah bin Abdil Mundhir (ra). Ene fois, Hazrat Lubabah (ra) ti avec quelques banne lezot Compagnons kan zot finne trouve ene missier ki so linge ti dechirer et li finne dire zot ki li finne tend le Saint Prophete (saw) dire: "Ene dimoune ki pas recite le Saint Coran dans ene joli façon, li pas parmi nous." Ensuite Huzur (aba) finne mentionne Hazrat Abu al-Zayyah bin Thabit bin Nu'man (ra). Rapporté ki li ti sorti ensam avec le Saint Prophete (saw) pou bataille de Badr mais li finne blessé en route et donc, li pas finne kapav continuer. Mais meme sa, le Saint Prophete (saw) ti finne garde ene part pou li dans butin de guerre.

Huzur (aba) finne ensuite mentionne Hazrat Ansa Maula Rasulullah (ra). D'apres Imam Zuhri, le Saint Prophete (saw) ti ena l'habitude zoinne banne dimoune apres namaz Zuhr. Huzur (aba) finne mentionne Hazrat Marthad bin Abi Marthad (ra). Rapporté ki li finne prend part dans Bataille Uhud et li finne tombe en martyr pendant expedition de Raji. Lot mention ki Huzur (aba) finne faire c'est a propos de Hazrat Riga'ah bin Rafi' bin Malik bin Ajalan (ra). Huzur (aba) dire ki d'apres ene récit, pendant Bataille Badr, Hazrat Rifa'ah finne blessé avec ene fleche dans so lizié. Le Saint Saint Prophete (saw) finne mette imper so la salive dans Hazrat Rifa'ah (ra) so lizié et par la suite tous douleur ki ti ena finne disparaitre.

Ensuite Huzur (aba) finne mentionne lor Hazrat Abu Marthad Kannaz bin al-Hussain al-Ghanawi (ra), Hazrat Salit bin Qais bin Amr (ra), Hazrat Mujazzar bin Ziyad (ra), Hazrat Usaid bin Malik bin Rabi'ah (ra), Hazrat Abdullah bin Abd al-Asad (ra), Hazrat Khallad bin Rafi' al-Zurqi (ra), Hazrat Abbad bin Bishr (ra) et Hazrat Hatib bin Abi Balta'ah (ra).

**Nous encourage tous ban Lajna et Nasirat
pou suivre Khutba Jummah en direct lor ban
chaines de la MTA**



Click lor ban link en bas pou accéder directement

<http://www.mta.tv/live>

ou

<http://www.mta.tv/live-audio-only>

ou pou Android app

**[https://play.google.com/store/apps/details?
id=tv.mta.apps.muslimtv](https://play.google.com/store/apps/details?id=tv.mta.apps.muslimtv)**

ou pou iPhone app

**[https://apps.apple.com/us/app/mta-
international/id942619881](https://apps.apple.com/us/app/mta-international/id942619881)**

